



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput IV. Satisfit objectionibus quæ fiunt contra dicta capite præcedenti.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

justus detentor, nisi ultimi assis; non vera præcedentium, quos nec habet amplius, nec potest, ac per consequens non tenetur restituere. Siquidem eo ipso definit iniuste detinere materiam præcedentem, quo definit obligari ad illius restitutionem: cum non detineat iniuste nisi qui tenetur restituere.

42 Ratio tertiae partis, quod utique ex collectione omnium furtorum venialium non constituantur unum mortale furtum, est quia in illo casu unum furtum mortale non constituitur ex collectione omnium furtorum, præter ultimum (cum cætera sine ipso, tam collectivè, quam distributivè, supponantur levia) neque ex collectione omnium cum ultimo; quandoquidem ultimum nunquam fuerit veniale, sed semper mortale, prout ex præmissis constat. Igitur ex multis venialiibus furtulis, etiam collectivè sumptis, non constituantur unum furtum mortale. Vide dicta to. 1. ubi ostendimus, ex collectione omnium venialium de mundo nunquam fieri posse unum mortale, eò quod malitia mortalis & venialis non sint ejusdem ordinis, sed malitia mortalis sit superioris, & in infinitum excedens; veniale vero inferioris; imo in infinitum inferioris ordinis, prout docet S. Thomas 1. 2. q. 88. a. 4. Multiplicatio vero rerum inferioris ordinis quantalibet sit, nunquam evexit eas ad superiorem ordinem. Unde licet voluntas furandi unum eundemque assens in infinitum multiplicetur, nunquam equidem sit mortalis. Aliud est de materia levi & gravi, quæ quia ejusdem sunt ordinis, materia levis per sui multiplicationem fieri potest gravis.

43 Dicendum 3°. sicut furtum ultimi assis, v. g. decimi, scienter & volenter præcedentibus additum, est mortale; ita & furtum undecimi, duodecimi, &c. assis. Ita Rebellius, Bonacina, &c. Tam enim undecimo, duodecimo assi, &c. præcedentibus addito, completerunt notabilis lesio proximi, quam decimo.

44 Dicendum 4°. si fur ultimum assens, v. g. decimum, surripiendo, nullo modo adverteret ad furtam præcedentiam, ne virtualiter quidem, vel interpretativè, vel ultimum superaddatur, postquam furtula præcedentia per restitutionem reparasset, mortaliter non peccaret. Tunc enim furtula præcedentia mortaliter ita se haberent, ac si non præcessissent.

C A P U T IV.

Satisfit objectionibus qua sunt contra dicta capite præcedentia.

45 Objicies 1°. per leves detractiones nunquam pervenitur ad gravem: ergo nec per furtam levia ad furtum grave. Nego antecedens cum Card. de Lugo disp. 14. sect. 1. sunt enim aliqui defectus, de leves, quorum frequens multiplicatio non modicam certis personis causat infamiam: tamenis enim vir religiosus non multum infametur dicendo quod semel iterumque menti-

tus sit; secundus dicendo quod adeo frequenter intentiat, ut mendax seu mendacius obnoxius censeatur.

Objicies 2°. dum repetitis vicibus furtur quis modica, singula furtula non sunt mortale peccatum: ergo nullum ex illis est mortale peccatum; si enim singula non sunt, non est cur unum præ alio, v. g. ultimum præ primo.

Nego consequentiam; ratio namque cur ultimum potius mortale sit quam primum, est quia ultimum complet materiam gravem, non primum, & qui primum assens furatur, nihil cogitans, nec intendens de ulterioribus furtis, non vult conjungere, nec de facto conjungit illum cum ulterioribus: utpote secundum existentibus in re, nec in intentione: qui vero furatur ultimum advertenter ut supra, vult illum conjungere, de factoque conjungit cum præcedentibus adhuc existentibus, saltem in effectu, damnificatione scilicet proximi.

Objicies 3°. non satis explicatur, quomodo ultimum moraliter conjungatur cum præcedentibus, potius quam primum cum subsequentibus. In quo enim consistit major illa conjunctio? Non in eo quod novem præcessint, & moraliter adhuc perseveret obligatio restitutionis eorum. Alias mortale foret furtum decimi assis post triginta annos additum novem aliis ante triginta annos eidem sublatis, nec adhuc restitutus. Non etiam in eo quod novem præcessint, & post breve tempus superaddatur decimus assis. Sic enim acceptio decimi assis aquæ moraliter conjungitur novem acceptioribus præcedentibus, ac decimus assis novem assibus præcedentibus. Vel ergo ob hanc conjunctionem moralem, acceptio decimi assis, ut conjuncta novem acceptioribus præcedentibus, constituit unam acceptiōē mortalem (ad eoque ex collectione decem acceptiōē venialium sit una acceptio mortalis) vel ob illam conjunctionem mortalem decimū assis, ut conjunctus novem assibus præcedentibus, non constituit unam materiam gravem. Denique moralis illa conjunctio non consistit in expressa intentione quasi iterato accipiendo retinendique novem asses præcedentes una cum decimo, qui jam surripitur; nec in surreptione decimi assis cum reflexione ad novem asses ante surreptos eisdem. Tum quia non est cur intentio illa, vel reflexio magis uniat asses, quam eorum acceptiones. Tum quia expressa illa intentio nunquam vel raro adest; quemadmodum verò fur, qui per revelationem scire se repetitis vicibus commissurum decem furtula, singula unius assis, non peccaret mortaliter primum furando; sic mortaliter non peccat, furando ultimum, cum reflexione ad anteriora furtula.

Respondeo id satis explicatum in responsione ad objectionem præcedentem: fur enim surripiens decimum assens cum advertentia ad novem non diu ante surreptos, non vult fu-

rati decimum illum seorsim, sed conjunctum cum illis. Nec obstat ratio objecta in contrarium. I^o. quia non id est negamus ex acceptatione decimi assis & novem acceptationibus praecedentibus, collectivè sumptis, unum mortale furtum coalectere, quia ultima illa acceptio moraliter non conjugitur cum praecedentibus, prout earum materia conjunguntur; sed ob rationem num. 42. allatam. Moraliter itaque conjunctio decimi assis cum novem praecedentibus consistit in eo quod novem praefecserint, & adhuc sint, vel in se, vel in effectu suo, seu documento domini, illisque decimus assis advertenter superaddatur, post tempus non ita longum, quin dominus, moraliter loquendo, perinde damnificetur, ac si uno eodemque tempore physico ceteris superadditus fuisset.

48 Objicis 4^o. vel ultimum furtulum consideratur in ratione acceptationis, vel in ratione detentionis. Atqui neutro modo est mortale peccatum. Non primo, cum solum sit acceptio materiae levis. Nec secundo modo, quia nec sic esse potest mortale peccatum, nisi sub ultima acceptione materia hujus, & praecedentium sit moraliter una (cum detentio supponat acceptationem.) Ergo vel in ratione acceptationis est mortale peccatum, vel tali non est in ratione detentionis.

Respondeo n. 40. & 41. nos ostendisse, ultimum furtum esse mortale in ratione iustiae acceptationis; utrumvis tamen dicatur, & utrovis modo furtum ultimi assis consideretur, periculum non est, ne ex multis venialibus unum mortale coalescat. Si enim ultima acceptio consideretur in ratione acceptationis, e quidem ut facta cum advertentis unionis materiae ipsius cum praecedentibus, nunquam est acceptio unius assis seorsim ab aliis voliti; adeoque nunquam est venialis, sed semper mortal. Si autem consideretur in ratione detentionis, adhuc clarus appareret, quomodo voluntas accipendi ultimum assen, ut retineatur simul cum praecedentibus, sit voluntas retinendi materiam notabilem, adeoque ultimum furtum, ex tali voluntate imperatum, sit mortale peccatum.

C A P U T V.

Famuli & famula domestica non possunt heris occasione surripere ad compensandam operam suam, quam majorem judicant salario quod accipiunt.

49 Hæc est doctrina Ecclesiæ: utpote quæ contradictoriam propositionem per Decretum Innocentii XI. propositione 31. ad minus ut scandalosam & in praxi perniciosa condemnavit. Quam & Facultas Lovaniensis, ad instantiam Episcopi Gandavensis antea prescriperat anno 1677. Sicut & Facultas Parisiensis anno 1641. Cumque eam additio quibusdam restrictionibus nonnulli tuerentur, etiam additis restrictionibus falsa est, & periculosa (inquit Facultas Parisiensis) & domesticis suis aperit. Eò vel potissimum (inquit

Tom. II,

Facultas Lovan.) quod ipsa comensatio ipsorum famulorum vel famularum iudicio relinquitur. Et sic homines ad officium Judicis upplurum inceptos, in propria cœla Judices constituit, in taxando scilicet laboris sui stipendio, & in materia quæ homines de se prono ad malum, lucrative cupidos, in errorem sibi faventes faciliter inducit. De eadem doctrina Archiepiscopus Senonensis 3. Septembris 1658. sic cœluit: *Hæc doctrina, quibuslibet additis restrictionibus, perniciosa est, pacem familiarum, famulorum fidem labefactat, &c.* Eandem simili ferè cœluit notarunt Vicarii Generales Ecclesiæ Parisiensis 23. Augusti ejusdem anni. Sicut & Generalis Cleri Galliani Conventus anni 1700.

Et meritò: quia famulorum opera, sicut res alia non uno pretio mensurantur, sed tripli, summo, medio, infimo. Sibi proinde imputare debent, quod convenerint infimo, nec illud, propriâ autoritate, in summum possunt commutare.

Imò tametsi constaret, infra pretium infinitum factam esse conventionem, interest dominorum scire, quod usque famuli & famulae salarium suum extendendum compensandum que velint, operasque ipsorum sub extensione illa acceptare, vel non acceptare. Neque enim illas acceptare tenentur, sed in ipsorum libertate est carere operam famulorum, si non inveniant qui ad minus salarium sponre servire velint; licet peccent, si illorum servitio indigentes, famulos & famulas conducant salario quod ipsorum servitio improportionatum norunt. Quia mercedem operariorum pro parte defraudent.

Nec refert quod famuli & famulae in talem conventionem consentiant. Quia consensus ille necessitate potius extorquetur, quam liberâ & spontaneâ voluntate præstetur.

C A P U T VI.

Occulta nibilominus compensatio, servatis debitiss conditionibus speculariæ videatur licita, sed in praxi non facile permittenda.

Ratio posterioris partis sumitur ex pronosticate magna hominis in malum, quia plerumque fit, ut, excæato iudicio, debitæ conditions exactè non serventur.

Priorem partem tradunt Sylvester, Adrianus, Cajetanus, Navarus, Medina, Lopez, & Doctores communiter, concurrentibus hisce conditionibus.

Prima, quod res quæ accipitur, hic & nunc accipienti debita sit ex iustitia, non ex sola charitate, vel ex iustitia quidem, sed hoc tempore non implenda. Totum namque fundamentum occultæ compensationis est iustitiae violatio, aliâ viâ irreparabilis. Si ergo iustitia hic & nunc non violetur, quia nondum urget, non est locus compensationi.

Secunda, ut debitum sit liquidum, cap. bona fides de deposito. Et ratio est, quia in duobus, imò in casu incerto, bona fidei possessor

dd